

7. Flug neðan 3000 feta hæðar yfir friðlandinu utan jökuls er óheimilt á tíma-
bilinu 10. maí til 10. ágúst.
8. Reglur þessar hagma ekki hefðbundnum rétti bænda til umferðar vegna nytja
og leita á svæðinu. Um upprekstur á svæðið fer eftir reglum sem viðkomandi
hreppsnefnd eða stjórnir afréttarmála og Náttúruverndarráð setja að fengnum
tillögum ráðgjafarnefndar.
9. Notkun skotvopna er óheimil á friðlandinu.

Náttúruverndarráð getur veitt heimild til þess að vikið verði frá reglum þessum
í einstökum tilfellum og kveðið nánar á um vernd svæðisins. Með friðlýsingu þessari
er engin afstaða tekin til þess hverjir séu eigendur þess lands sem hún tekur til
eða eigi þar takmörkuð eignarréttindi.

Þrátt fyrir ákvæði 2. fl. að ofan er Landsvirkiun heimilt að veita til Þórisvatns
úr upptakskvíslum Þjórsár á Sprengisandi og austurbverám hennar, enda verði
kappkostað að halda umhverfisáhrifum mannvirkja í lágmarki.

Ennfremur mun Náttúruverndarráð fyrir sitt leyti veita Landsvirkiun undan-
hágu frá friðlýsingu þessari til að gera uppistöðulón með stíflu við Norðlingaöldu
í allt að 581 m y. s., enda sýni rannsóknir að slík lónsmyndun sé framkvæmanleg
án þess að náttúruverndarsíldi Þjórsárvera rýrni óhæfilega að mati Náttúruverndar-
ráðs. Rannsóknir þessar skulu gerðar á vægum ráðgjafarnefndar samkvæmt 1. fl.
Skal nefndin ennfremur fiolla um endanleg mörk umræddra mannvirkja, ráðstafanir
til að draga úr óæskilegum áhrifum þeirra á vistkerfi Þjórsárvera og hugsanlega
endurskoðun á vatnsborðshæð miðlunarlónsins. Nefndin skal og gera tillögur til
stjórnar Landsvirkiunar og Náttúruverndarráðs um nauðsynlegar rannsóknir í þessu
sambandi og skal Landsvirkiun kosta þær að svo miklu leyti sem hlutaðeigandi
rannsóknaráætlun hlétur samþykki stjórnar Landsvirkiunar og Náttúruverndarráðs.

Um viðurlög vegna brota á reglum þessum fer eftir ákvæðum náttúruverndarlaga.
Ráðuneytið er samþykkt friðlýsingunni sem tekur gildi við hirtingu þessarar
auklýsingar í Stjórnartíðindum.

Menntamálaráðuneytið 3. desember 1981.

Ingvar Gíslason.

Birgir Thorlacius.

REGLUGERÐ

um B-gatnagerðargjöld í Stokkseyrarhreppi.

Þátttaka lóðarhafa í kostnaði við að gera gangstétt og bundið slitlag á götu.

1. gr.

Sveitarstjórn er heimilt að leggja á B-gatnagerðargjald á hús, nýbyggingar og
stækkun eldri húsa sem standa á lóð sem skráð er við götu sem lögð hefur verið
bundnu slitlagi.

2. gr.

Af hverjum rúmmetra húss greiðist ákveðinn hundraðshluti byggingarkostnaðar
pr. rúmmeter eins og hann er hverju sinni á vísitöluhúsinu skv. útreikningi Hagstofu
Íslands, svo sem hér segir:

Einbýlishús með eða án tvíbýlisaðstöðu	2%
Raðhús og tvíbýlishús	1,4%
Fjölbýlishús	1%
Verslunar- og skrifstofubyggingar	2%
Opinberar byggingar	2%
Önnur hús og byggingar	1%

Við álagningu gjaldsins skal miða við lágmarksstærð húseigna 250 m².

3. gr.

Gatnagerðargjöld skv. 2. gr. miðast við byggingarkostnað vísitöluhússins á þeim tíma, sem lokaframkvæmdir við lagningu bundins slitlags fer fram. Nú verður hús byggt við þegar fullgerða götu og skal þá miðað við byggingarkostnað, þegar teikning er samþykkt í byggingarnefnd.

Gatnagerðargjald skv. 2. gr. fellur í gjalddaga einum mánuði eftir að framkvæmdum við tiltekna götu eða götukafla, öðrum en lagningu gangstéttar, er lokið eða einum mánuði eftir samþykkt teikningar ef um hús við fullgerða götu er að ræða.

Heimilt er gjaldanda að greiða 80% gjaldsins með skuldabréfi sem greiðist með jöfnum árlegum afborgunum á næstu fjórum árum, enda séu lánskjör skuldabréfsins hin sömu þ. e. vextir og verðtrygging, og eru á lánum Bygðasjóðs á hverjum tíma.

Heimilt er gjaldanda að halda eftir 10% gjaldsins uns gangstétt hefur verið lögð.

4. gr.

Heimilt er sveitarstjórn að veita afslátt eða fella niður gatnagerðargjöld af fasteignum þeirra eigenda, sem náð hafa 67 ára aldri, og þeirra, sem eiga við langvarandi sjúkdóma eða örorku að stríða.

Verði fasteign, sem afslátt hefur fengið eða niðurfellingu á gatnagerðargjaldi seld, skal sveitarstjórn heimilt að leggja á gjaldið eins og það var þegar álagning fór fram með áorðnum vísitölubreytingum, enda sé kvöðinni þinglýst á viðkomandi fasteign.

5. gr.

Gatnagerðargjaldi fylgir lögveð í fasteign þeirri, sem það er lagt á og gengur það ásamt vöxtum, verðtryggingu og dráttarvöxtum fyrir öllum veðkröfum, sem á eigninni hvíla og tekur einnig til váttryggingarfjár hennar. Heimilt er að taka gjöld þessi lögteki samkvæmt lögum nr. 29/1885.

Hreppsnefnd sker úr um meiri háttar ágreining sem rísa kann um álagningu samkvæmt reglugerð þessari.

Reglugerð þessi, sem samin er og samþykkt af hreppsnefnd Stokkseyrarhrepps, staðfestist hér með samkvæmt lögum nr. 51/1974 um gatnagerðargjöld sbr. lög nr. 31/1975, til þess að öðlast gildi þegar í stað. Jafnframt er úr gildi felld samþykkt um sama efni nr. 440 29. október 1979.

Félagsmálaráðuneytið, 14. desember 1981.

F. h. r.

Hallgrímur Dalberg.

Hólmfríður Snæbjörnsdóttir.